

Sharciga lamba. 22 ee 13 Maarsu 1972.

Dhismaha Iskaashatada Qaranka ee Baabuureyda Rayidka.

GUDDOOMIYHA GOLAHA SARE KACAANKA

Marka uu arkay Warqadda Koowaad iyo Laaad ee Kacaankii 21 Oktoobar 1969;
Marka uu helay oggolaashaha Golaha Sare Kacaanka iyo Golaha Wasiirada eek u taariikhaysan 10 Janaayo 1972;

WUXUU MEELMARINAYAA

Xeerka soo socda:

Qod. 1

Waxaa laga dhisay Dalka oo dhan Iskaashatada Qaranka Baabuureyda Rayidka, mid qaabilsan daabulista dadka iyo mid qaabilsan badeecada iyo alaabada. Labada Iskaashato waxaa loo gaar yeelay daabulista dadka, badeecadaha iyo alaabada gaarka ee dadka .

Qod. 2

Dawladda iyo Wakaaladaha Dawladda waa in ay si gaara ula xariiraan Iskaashatooyinka la soo sheegay marka ay u baahdaan baabuur gaara.

Qod. 3

Iskaashatooyinka lagu sheegay qod. 1 ee Xeerkaan, xaruntoodu waa Muqdisho waxayna faracyo ku yeelanayaan Dalka oo dhan (Gobollada iyo degmooyinka).

Qod. 4

Iskaashatooyinka waxaa maamulaya wakiillo ka socda Xukuumadda oo ay wehliyaan wakiillo milkiilayaasha baabuureyda la soo sheegay.

Qod. 5

- a) Waxaa waajib ku ah dhammaan Baabuureyda loogu talagalay daabulidda dadka, badeecadaha iyo alaabada in ay iska diiwaangaliyaan Iskaashatooyinka Qaranka marka laga reebo kuwa sida gaarka loo isticmaalo;
- b) Baabuurta aan laga diiwaangalin Iskaashatooyinka Qaranka ee ku xusan qod 1 ee Xeerkaan iyo faracyadooda ku xusan Qod. 3.ee isla Xeerkaan, ma qaban karaan wax hawlo la xariira daabulidda dadka, badeecadaha iyo alaabada.

Qod. 6

Gebi ahaan waxaa ka reeban milkiilayaasha baabuurta loogu talagalay badecadaha iyo alaabta in ay dad saaraan. Sikastaba waxaa loo oggolyahay in si ku meelgaara ay meelaha qaarkood ee Dalka xitaa ay dad qaadaan marka uu fasaxo Wasiirka Gaadiidka illaa laga helayo gaadiidka ku habboon qaadista dadka.

Wasiirka Gaadiidka wuxuu awooddas u wakiilan karaa Hay'adaha daafaha. Baabuurta loogu talagaly dadka waxay qaadi karaan alaaboo yay-yar oo aan ka badnayn waxyabaha gaarka ee rakaabka sitaan.

Qod. 7

Wasiirk gaadiidka wuxuu u xilsaaranyahay in la kala saaro gaadiidka kolba waxaa loo qoondeyay mid kasta oo iyaga ka mida. Isaga waxaa u sugnaaday awoodda iqtiyariga in uu caddeeyo hawlahaa daabulidda aan muhiimka ahayn ee loo dhaafay milkiilaha keligiis oo uu adeegsanayo qalabkiisa oo ka baxsan kuwa Iskaashatada.

Qod. 8

- a) Hawlahaa Gaadiidka Rayidka (STC) ee Wasaradda Gaadiidka ayaa u xilsaaran in ay iskuduwaan hawlgaallada baabuurta ee ka diiwngashan Iskashatooyinka Gaadileyda Quranka ee ku xusan qod. 4 ee Xeerkaan;
- b) Shuruudaha laga doonayo Iskaashatooyinka waa kuwa ku cad xeer hoosaadka fulinta e Xeerkaan.

Qod. 9

1. Waxaa la go'aamiyay in ay bixiso Iskaashata kasta ee Baabuureyda boqolleyda illaa ugu badnaan 2%;
2. Sidoo kale, baabuur kasta marka loo eego hawsha uu qabto, waa in uu siiya khasnadda dawladda qaddar 3% ee daqlga soo galay oo ku saabsan qaaraanka daayactirka waddooyinka;
3. Milkiilayaasha Baabuurta aana samayn safarada joogtada, waxaa laga qaadayaa qiyaas ahaan lacag uu soo go'aamiyo Wasiirka Lacagta ee la xariirta daayactirka waddooyinka.

Qod. 10

Waxaa loo gooyay qiimo joogto ah daabulidda dadka, iyo alaabta la geynayo meel illa illaa meel kale ee Dalka ka mida taasoo caddadka lacagtooda lagu soo saari doono dekereeto Wasiirka Gaadiidka.

Qod. 11

Dhammaan nooca Iskaashatooyinka gaarka iyo kuwii horay Dalka ka jiray ka hor inta aan xeerkaan la soo saarin waxa loo qaadanayaa kuwa la laalay.

Qod. 12

Kuwa ku xadgudba qdobada xeerkaan, iyadoo loo eegayo culayska falka dambiga, haddiiba aanay keenayn dambi ka culus, waxaa lagu ganaxayaa Sh. Som. 100 illaa 2.000.

Qod. 13

Dekereeto Guddoomiyaha Golaha Sare Kacaanka uuna talo ku soo jeediyoo Wasiirka Gaadiidka ayaa lagu soo saarayaa xeer-nidaamiye lagu fulinayo Xeerkaan.

Qod. 14

Waxaa la laalay xeer iyo amar kasta oo liddi ku ah ama aan la jaan daadayn xeerkaan.

Qod. 15

Xeerkaan deg-deg ayuu dhaqangalayaan waxaan lagu faafinayaan Faafinta Rasmiga ee Jamhuuriyadda Demoqaraadiga Soomaaliya.

Muqdisho, 13 Maars 1972.

Guddoomiyaha
Golaha Sare Kacaanka
S. Gaas Maxamed Siyaad Barre